

AD QVODLIBETARIAM.

601.

QVÆSTIO MEDICA MATVTINIS DISPUTATIONIBVS AGITANDA
IN SCHOLIS MEDICORVM DIE IOVIS XII. NOVEMBRIS, MAGISTRO IOANNE BERAULT
DOCTORE MEDICO MODERATORE PRVDENTISSIMO.

An præstat gracilem esse, quàm obesum?

HOMO, Diuinum animal, & corpore & animâ immortalis esse cupit. Animam immortalem origo facit, eadem caducum corpus, cui quantum potest longæuitate succurrit. Obstat tamen mundi senium quod infirma reddit & breuioris vitæ corpora: vtrumque vitæ principium nulla arte reparabile: propria vniuscuiusque corporis natura. maiora, paruis; sanguinea, exanguibus; benè dentata, indentatis; perfecta, infectis; gracilia, obesis *μακροβιότιον*.

ED magis incerta sanitas, quæ similibus & dissimilibus iuuatur, quemque non æque iuuat. quædam intemperata sana sunt, & temperatis diutius viuunt. Time vbi *εὐχρία*, quam efficit bona Temperies, non *εὐθυμία*, quæ verè figmentum est, sed iustitiâ metienda. Habent quò gaudeant calidarum regionum incolæ, iis cum venæ *εὐρημία*, cutis rarior, ventres, ossaque latiora, graciles existunt, vitæque sunt salubrioris & diuturnioris quàm frigidarum: habent & viri qui mulieribus calidiores gracilescunt magis.

ALOR natiuus gracilibus potentior, pulsus vehementior, sanguinis, seminis, & spirituum maior copia. obesis corpus breuius, venus segnior, conceptus rarior, partus difficilior. Frustra ad speciei propagationem aquæ quærentur minerales: labore, vigiliis, diætâ minuendus habitus, deponenda adipis, & quæ ex ea exurgit excrementorum sarcina. Succurrit therapia vomitu, quem & per inferiora purgationi, & ipsi venæ sectioni prætulerim.

VCE quæ pinguem aqualiculum propenso sesquipede extendunt, desidiam, somnum longiorem, præsertim meridianum, cibi & potus ingluuiem, vinum meracius. aquâ qui vtuntur saniores & viuaciores puto. Alimentum si detur, naturæ *εὐαρίστητον* quod vixerit, non elementum, non medicamentum, non venenum, non aurum illud potabile, in substantiam præmissa alteratione vertetur, non in adipem frigoris sobolem, à qua pulsus *ἀμυδρότης*, *μυλαρός* corporis & mentis segnities, timiditas, ingenium minus acre, phantasia debilis, memoria felix minus.

ÆC beatam minus vitam faciunt: quæ sequuntur miseram. siquidem ex prauorum humorum copiâ, excrementorumque prouentu morbi multi, acuti, longi. apoplexia quam omnis facit humor, lethargus, carus, paralytis, arthritis, febris putrida, hydrops, quem pinguedo in imo ventre insanabilem facit. obesis quàm gracilibus mors repentina magis, his paulatim consumpto humido, illis momento obruto.

Ergo præstat gracilem esse quàm obesum.

Proponebat Lutetiæ THOMAS GAMARE Parisinus, A.R.S.M. M. DC. XX.

DOMINI DOCTORES DISPUTATVRI.

M. Petrus le Conte.

M. Egidius le Blanc.

M. Guillelmus de Vailly.

M. Ioannes Maunoir.

M. Claudius Gervais.

M. Franciscus Guenault.

M. Franciscus le Sage M. R.

M. Georgius Cornuty.

M. Guillelmus du Val M. & P. R.

